

ԳՅՈՒՄՐՈՒ ՓՈԽԱԿԵՐՊՈՒՄՆԵՐԸ ՄՇԱԿՈՒԹԱՅԻՆ ԺԱՌԱՆԳԱԿԱՆՈՒԹՅԱՆ ՀԱՄԱՊԱՏԿԵՐՈՒՄ

ԱՐԱՔՍՅԱ ՄԱՐԳԱՐՅԱՆ
արվեստագիտության թեկնածու
ԵԳՊՄ դոցենտ (Գյումրու մասնաճյուղ)

Գյումրին Ղայաստանի երկրորդ քաղաքն է, որտեղ յուրօրինակ կերպով խաչաձևվում ու համադրվում են Արևելքն ու Արևմուտքը, հինն ու նորը, ավանդականն ու ժամանակակիցը (նկ. 1): Խոսելով Գյումրու մասին՝ այն հաճախ անվանում են «կայսերական գավառական քաղաք, ամրոց-խաչմերուկ, խորհրդային արդյունաբերական, մշակութային, վարչական կենտրոն և ավերված մոռացված ու անկախացած բնակավայր»:

Գյումրու՝ իբրև քաղաքային բնակավայրի Պատմությունը, քաղաքաշինությունը, մշակութային նկարագիրը Պայմանականորեն բաժանվում է երեք շերտի՝ Ալեքսանդրապոլ (1837-1924), Լենինական (1924-1990), Գյումրի (1990-մինչև օրս): Քաղաքի անվանումը յուրատեսակ կերպով թելադրում էր նրա դիմագիծն ու համբավը: Վիզուալ առումով ևս քաղաքը բաժանվում է երեք գունային շերտերի. Ալեքսանդրապոլի կառույցներում գերիշխում է սև տուֆը, Լենինականում՝ վարդագույնը, Գյումրիում՝ դեղինը:

Ալեքսանդրապոլը ձևավորվել է XIX դ., մի կողմից՝ ռուսական քաղաքաշինական ավանդույթների (ուղղահայաց-հորիզոնական հատակագիծ, ամրոցաշինական սկզբունքներ), մյուս կողմից՝ տեղական ավանդույթների (կարմիր ու սև տուֆից կառուցված շենքեր, Պատուհանների, շքամուտքերի ձևավորման որոշակի տիպ) յուրօրինակ համադրությամբ (նկ. 2, 3): Քաղաքի առաջին հատակագիծը (*Գենդլանը*) կազմվել է ռուս մասնագետների կողմից 1837 թ.՝ 15000 զինվորներից կայազոր ունեցող ամրոցի համար, որի դեպքում հաշվի չի առնվել տեղական լանդշաֆտը: Նորակառույցներին զուգարվում են Գյումրու «գեղեկական» թաղերը, որոնք կառուցվել էին դեռևս XIX դ. սկզբին՝ քաղաքին տալով ինքնատիպ նկարագիր: Այդ ժամանակ Գյումրու փողոցները ստացան կտրուկ ռելիեֆ, ինչդեպ գյումրեցիներն են ասում՝ «դար ու փոս»:

Երկրորդ հատակագիծն ընդունվել է 1905 թ.՝ 30000 բնակչության համար: Որ Ալեքոլն ուներ բավականին զարգացած քաղաքային նկարագիր, վկայում է քարիզների ցանցի գոյությունը, որ ձգվում էր հյուսիսից հարավ՝ բնակավայրին ջուր հասցնելով գետերի հունին համադրատախսան:

Ռուսական քաղաքաշինությունից և տեղական ճարտարապետության ավանդույթներից էլ ձևավորվում է ինքնատիպ քաղաքային նկարագիրը: Սակայն

ինչդեռ նշում է ճարտարապետ Ռ. Եղոյանը, կառույցները ո՛չ հայկական են, ո՛չ ռուսական. դա յուրօրինակ «Գյումրու ոճն» է՝ Էլլեկտիկ համադրությունների ամբողջություն՝ հասցված ուրբանիստական ձեռագրի:

1926 թ. հաստատվում է երրորդ՝ խորհրդային Լենինականի գլխավոր հատակագիծը՝ ճարտարապետ Դ. Չխայանի նախագծով: Կառուցվում են առաջին տիպային շինությունները: Նիմք ընդունելով կոմունիստական քաղաքաշինության սկզբունքը՝ անվանափոխված Լենինականը ֆիզիկապես ևս վերափոխվում է. կառուցվում են երկաթգծի կայարան, գործարաններ, բարձրահարկեր: Նրա «խորհրդային կնիքը» կարելի էր գտնել *Մայր Նայաստան* հուշակոթողում, Նաղթանակի դուրակում ու Սատղի հրադարակում, Լենինի ու Շահումյանի արձաններում (նկ. 4, 5): Նատակագծային առումով վերևից կարելի էր տեսնել մուրճ ու մանգաղ՝ Կիրովի փողոցի ու Նաղթանակի դուրակի համադրության ուրվագծով²:

1988 թ. երկրաշարժը կտրուկ փոխեց քաղաքի բնականոն ընթացքը՝ դեկավարությանը կանգնեցնելով անխուսափելի ընտրության առջև: Մ. Գորբաշովի հնչեցրած՝ երկու տարում քաղաքը վերականգնելու խոստումը հանգեցրեց արագ որոշում կայացնելու անհրաժեշտությանը: Անտեսելով տեղացի մասնագետների կարծիքն ու հիմնավորված փաստարկները՝ որոշվում է օգտագործել քաղաքի հյուսիսային հատվածում գտնվող վարելահողերը:

Սակայն սկսված տարերային շինարարությունը կարճ ժամանակահատվածում կանգ առավ՝ Խորհրդային Միության փլուզման, Ադրբեյջանի կողմից Նայաստանի շրջափակման, Ղարաբաղյան Պատերազմի, Էներգետիկ ճգնաժամի հետևանքով: Նոր թաղամասը՝ հայտնի 58-րդ (Աճի) անվամբ, դարձավ քաղաքի կցորդ-հավելված: Շնորհիվ միջազգային համերաշխության և Նայկական սփյուռքի ակտիվության, սկսեցին կառուցվել ավստրիական, նորվեգական, իտալական թաղամասերը, անգլիական, ֆրանսիական, հունգարական դղրոցները: Լինսի հիմնադրամի շնորհիվ կառուցվեցին միջազգային դահանջների համադաստասխանող կառույցներ, ինչը նդաստեց նոր շինարարական տեխնիկայի ներմուծմանը Գյումրի: Այսօրվա Գյումրին *«վերածվել է մի քաղաքի, որն աղորում է ոչ միայն կայսրությունների թողած սոցիալական և բարոյահոգեբանական, այլ նաև նրանց ճարտարապետական-քաղաքաշինական ավերակների վրա: Կործանման ու ավերման հետքերը հանրադետության ոչ մի քաղաքում այնքան ակնառու դրոշմված չեն, որքան այս քաղաքում»*³:

Ալեքսանդրադով-Լենինական-Գյումրի եռամիասնության ամբողջական նկարագիրն ու անդրանցական վերափոխումների առիավատչյան է ներկայացնում Գյումրու կենտրոնական հրադարակը (նկ. 6). *Յոթվերք* ու *Ամենավերկիչ* եկեղեցիները գտնվում են դեմ-դիմաց՝ վկայելով Ալեքսանդրադովի մոնումենտալ գեղեցկությունը, Ղոկտեմբեր կինոթատրոնը, հյուրանոցային համալիրը, Նայ-

խնայքանկի կառույցները խորհրդանշում են խորհրդային Լենինականը, իսկ վերջերս կառուցված քաղաքադատարանի շենքն ու մետաղյա կոնստրուկցիաներով հավաքված «Չիզգագ» կոշվող շինությունը, որն այժմ ծառայում է իբրև բանկի մասնաշենք, գումարած՝ Վարդանանց արձանախումբը՝ արտահայտում են անկախության շրջանի Գյումրու անկանոն դիմագիծը (նկ. 7):

Ալեքսանդրապոլը մշակութային ավանդույթներով հարուստ քաղաք էր: 1913 թ. Բրուտյանի նախաձեռնությամբ կազմակերպվել է առաջին նկարչական ցուցահանդեսը, իսկ 1916 թ. ստեղծվել է նկարիչների առաջին միությունը: 1921 թ. Ալեքսանդրապոլում բացվել է Անդրկովկասում առաջին նկարչական դպրոցը, որտեղ դասավանդում էին Եղիսաբեթ Պատկանյանը, Յուլիա Վերբիցկայան, Աշոտ Սաֆարյանը:

Քանդակագործությունը Ալեքսանդրապոլում ինքնավար կերպով չի զարգացել: Սակայն շիրմաքարերի, շինությունների քիվերի ու շքամուտքերի մշակումը խոսում է բարձր վարդեստության մասին, որին տիրադատում էին տեղացի արհեստավորները (նկ. 8): Մոնումենտալ տյաատիկայի մեծ վարդեստ, ծնունդով գյումրեցի Սերգեյ Մերկուրովը (1881-1952) իր հուշերում սիրով հիշատակում է ալեքոլոցի քարտաշ վարդեստներին, որոնք նրան երիտասարդ տարիքում տատազանել են. *«Այնդես աշխատիր, որ վարդերը քո կտրիչի տակ բուրեն ավելի լավ, քան իսկականը, և բլբուլն իր երգով իսկականից հազար տարով ավել դիմավորի արևածագը»*⁴: Ես ավելացնում է, որ ինչ հունար որ ունի՝ *«Գյումրու հող ու ջրեն է: Չէ՞ որ էդ օրհնված քաղաքը խուղոժնիկ քաղաք է, ինտեղ առանց հունարի մարդ չես գտնի»*:

Այս ավանդույթները շարունակվում են Լենինականում, որտեղ միայն 1929-34 թթ. ընթացքում կազմակերպվել է երեք ցուցահանդես: XX դ. 30-ական թթ. քաղաքի մշակութային կենտրոնը դառնում է Լենինականի թատրոնը, որի ձևավորման աշխատանքներում ներգրավվում են լավագույն նկարիչները: 1935 թ.-ից Լենինականում գործում է տիկնիկային թատրոնը: Սկսում է զարգանալ բեմանկարչությունը:

Նայրենական մեծ տատերագմի տարիներին լենինականցի նկարիչները՝ Խ. Եսայանը, Գ. Բրուտյանը, Մ. Ասլամազյանը, Ն. Ռուխկյանը, իրենց ստեղծագործություններով քաջալերում էին ռազմաճակատում կռվող զինվորներին, ստեղծվում են ծաղրանկարներ, քաղաքական տյաատներ: Երբ 1942 թ. Մարիամ Ասլամազյանը ավարտում է «Ներսի վերադարձը» կտավը, այն դառնում է հաղթանակի նոր բացահայտում և ոգեկոչում: 1942 թ. Մոսկվայից վերադառնում է Շանթ Սարգսյանը. նա էլ իր ձեռքն է վերցնում քաղաքի մշակութային կյանքի կազմակերպումը՝ ստանձնելով նկարչական դպրոցի տնօրինությունն ու իր շուրջը համախմբելով Լենինականում ստեղծագործող նկարիչներին՝ Ն.

Սահակյանին, Ն. Անանիկյանին, Գ. Կարապետյանին, որոնց շնորհիվ էլ ստեղծվում է Նկարիչների միության Լենինականի բաժանմունքը:

1960-ականներին Լենինականում ստեղծագործում են Ա. Նովհաննիսյանը, Ա. Մելքոնյանը, Մ. Թոքմաշյանը, ԻՍ. Վարդդարոնյանը, Ս. Միրզոյանը, որոնց կողքին ստեղծագործական ուղին է սկսում շիրակցի գեղանկարիչ Մինաս Ավետիսյանը: Այն, ինչ հայտնի է «Շիրակի գունագագադողություն» անվամբ, առավել բնութագրական է Մինաս Ավետիսյանի ու Աշոտ Նովհաննիսյանի ստեղծագործությանը, որտեղ գույնը ստանում է դրամատիկ հնչել երանգավորում: Մինասի ստեղծած որմնանկարները՝ «Թորոս Ռուսիկի ծնունդը», «Խաչքարի մոտ», «Գորգ են գործում», որոնք զարդարում են անալիտիկ սարքերի, «Ստրոմաշինա», գալվանոմետր գործարանները, այսօր գտնվում են աղետալի վիճակում և դահլիճում ու վերականգնման կարիք ունեն: Մասնատիպ վիճակում են նաև Ռ. Աթոյանի, Ն. Նակոբյանի, Ն. Մինասյանի ստեղծած որմնանկարները, որոնք ցրված են քաղաքի տարբեր հատվածներում:

Ծագումով գյումրեցի նկարիչներ Ն. Անանիկյանի, Ռ. Աթոյանի ստեղծագործության առանցքում Գյումրին է, նրա հին ու նոր կերպարը, մարդիկ ու բարքերը («Պոլոզ Մուկուշ», «Թոքմաշենց Սերոբը», «Ֆոնջի Սիմոնը»): Տեղաբնիկ նկարիչների կողքին Լենինականում աղյրել ու ստեղծագործել են Նակոբ Նակոբյանը, Պետրոս Կոնտորժյանը. Նակոբյանի լավագույն բնանկարներից են «Փողոց Լենինականում», «Լենինական. Կիրովի փողոց», «Բակ», «Ուշ աշուն», «Վաղ գարուն» կտավները, որոնք բացահայտում են քաղաքը ու նրա գողտրիկ փողոցների մետաֆիզիկական լռությունն ու մոնումենտալ գեղեցկությունը:

1981թ. բացվում է Նայաստանի տատկերասրահի Լենինականի մասնաճյուղը: Լենինականում մեծ թափ է առնում մոնումենտալ քանդակագործությունը. քանդակը գալիս է լրացնելու ճարտարապետությանը: Ավետիք Իսահակյանի արձանը (Ն. Նիկողոսյան) ամբողջացնում է թատերամերձ հրապարակը, կառուցվում է Մայր Նայաստան հուշահամալիրը (ճարտ. Կ.Եղոյան), որի սիրտն է դառնում Արա Սարգսյանի կերտած «Մայր Նայաստան» հուշարձանը: Լենինականի այցեքարտերից էին Ս. Մերկուրովի կերտած Լենինի, Շահումյանի հուշարձանները, ինչպես նաև արվեստի վաստակավոր գործիչների ու հեղափոխականների կիսանդրիները: Վերջիններս, ցավոք, ժամանակի իրադարձությունների թելադրանքով աղամոռնաժվել են քաղաքից:

Քաղաքի անկրկնելի կոլորիտը իր ստեղծագործություններում բացահայտել է Զավեն Կոշտոյանը՝ «Ջութակահար», «Շերամ», «Գյումրեցի կին», «Երկրաշարժի անմեղ զոհերի հիշատակին» գործերում: Նրա արվեստը մարմնավորում է գյումրեցու մտածողությունն ու արժեհամակարգը:

1988 թ. երկրաշարժը խաթարեց քաղաքի մշակութային բնականոն ընթաց-

քը: Քաղաքի նոր զարգացումները կառված են հետերկրաշարժյան Գյումրու մշակութային նկարագրի հետ: Երկրաշարժին հաջորդած տարիներին օրվա հրամայականը դարձավ մարդկանց առաջնությունը տանիքով ու տարրական կենցաղային պայմաններով: Նման իրավիճակում անիմաստ էր խոսել մշակութային հիմնարկների վերականգնման մասին: Սակայն քաղաքի վերածնունդն ու վերականգնումը կարելի է սկսված համարել, երբ 1997 թ. հիմնվում է Գեղարվեստի ակադեմիայի Գյումրու մասնաճյուղը: Նրա հիմնումը շրջադարձային դեր է կատարել քաղաքի մշակութային կյանքում, քանի որ այն համախմբեց քաղաքի ստեղծագործ ուժերը և դարձավ մշակութային օազիս՝ ստանձնելով ցուցահանդեսների կազմակերպումը, մշակութային միջոցառումների անցկացումը, գյումրեցիների նոր սերնդի գեղարվեստական կրթումն ու դաստիարակումը: Կարևոր իրադարձություն էին նաև Գյումրու բիենալեի հիմնումն ու անցկացումը, որը նշանակալի ներդրում բերեց Գյումրու ժամանակակից արվեստի ձևավորման ու զարգացման գործում: Բիենալեի հիմնադիրները՝ Վազգեն Պահլավունի-Թադևոսյանը (ՎԱԶՕ) և Արարատ Սարգսյանը գտնում էին, որ «Գյումրու բիենալեն առավել քան նոյաստավոր վայր էր, որտեղ հնարավորություն էր տրվել Ավանդույթը, Պատմությունը որդես այդդիսիք տալիս՝ մի քայլ առաջ գնալ՝ ստեղծելով ու կառուցելով առազան, որը ուղղված կլիներ ոչ թե դեռի տատանական ակնարկների կամ անդրադարձների, կոնկրետ ասած՝ այն լինելու էր հենց ինքը այդ առազան»⁵: Անցկացված ութ բիենալեները փաստում են, որ մի կողմից՝ փորձ էր արվում շարունակել ավանդույթը, մյուս կողմից՝ տեղափոխվել այլ՝ ժամանակակից իրականության դաշտը: Այս իրավիճակը հիշեցնում է Յուրգեն Նաբերմասի «անցյալի արդիականություն» արտահայտությունը՝ անցյալի ժամանակակից լինելու փաստը⁶:

Քաղաքում արձաններ կանգնեցնելը տարերային բնույթ է ստանում երկրաշարժից հետո: Որդես կանոն՝ դա կատարվում է՝ առանց հաշվի առնելու տեղանքի կադրը հուշարձանի հետ: Նման ձևախեղման օրինակ են թատերամերձ հրադարակում կանգնեցված Ն. Շիրազի ու Մ. Մկրտչյանի արձանները (քանդ.՝ Արա Շիրազ), որի դատաճառով հրադարակը կորցրեց ամբողջական նկարագիրը:

Մշակութային հարուստ ավանդույթներ ունեցող Գյումրին այսօր հայտնվել է մշակութային երկփեղկման դաշտում: Քաղաքն ունի ստեղծագործական ներքուժ, չունի այն զարգացնելու հնարավորություն, ունի նկարչական դոդոց, չունի նկարչական դոդոցի մասնաշենք: Ունենալով բազմաշնորհ նկարիչներ՝ չունի դատկերասրահ, ժամանակակից արվեստի թանգարան:

1. Гукасян В. Гюмри, Тигран Мец, 2009, стр. 159-169.
2. Шагоян Г. Первый и второй в образах Гюмри: опыт семиотического анализа городского текста, *Критика и семиотика*, вып. 16, 2012, тз 25
3. *First international biennial 1998, Gyumri, GCCa-ԳԺԱԿ*
4. Меркуров С. Д. *Воспоминания. Письма. Статьи. Заметки. Суждения современников*: Москва, 2012, стр. 67.
5. Շ. Գուսարեան, Գյումրու միջազգային րիենալեն Հայաստանի ժամանակակից արվեստի համալսարանում (անտիմ), Գյումրի, 2010:
6. Хабермас Юрген, *Модерн-незавершенный проект*, 1998.

THE TRANSFORMATION OF GYUMRI IN THE PANORAMA OF CULTURAL HERITAGE

ARAKSYA MARGARYAN

PhD in Art History

Associate Professor at YSAFA (Gumri branch)

Gyumri is the second city in the Republic of Armenia, where imperial provincial city, stronghold-crossroad, soviet industrial- cultural- administrative centre and ruined forgotten and independent residence are peculiarly crossed and confronted with each other. Gyumri's city history, city planning and cultural description are symboliacally divided into three levels: Aleksandrapol/ 1837-1924/, Leninakan/ 1924-1990/, Gyumri/1990-up to date/. The city name in its way tells us about its characteristics and fame. Visually the city divides into three color levels: Aleksandrapol constructions were built of black tuff, in Leninakan-pink tuff and in Gyumri- yellow one.

ПРЕОБРАЖЕНИЕ ГЮМРИ В ПАНОРАМЕ КУЛЬТУРНОГО НАСЛЕДИЯ

АРАКСЯ МАРГАРЯН


кандидат искусствоведения

доцент ЕГАХ (филиал Гюмри)

Гюмри-второй по величине город РА, в котором своеобразно скрестились и сосуществуют и царский провинциальный город, и пограничный город-крепость, и советский промышленный и культурный административный центр, и разрушенный, забытый, независимый населенный пункт. История Гюмри, как городского населенного пункта, его строительство и культура условно делятся на три периода: Александрополь (1837-1924), Ленинанкан (1924-1990), Гюмри (с 1990г. по сей день). Наименование города ярчайшим образом отражает его облик и репутацию. Визуально город делится на три цветовых пласта. В строениях александропольского периода преобладает черный туф, ленинанканского-розовый, а гюмрийского-желтый.



1. լեռնակայանյան տեսարան



2. Ալեքսանդրապոլյան շրջանի առանձնատուն /այժմ՝ Վիլլա Կարս



3. հին թատրոնի շենքը / այժմ՝ Թումոյի կենտրոն



1. Խորհրդային շրջան. Մայր Հայաստան



5. 6. Գյումրու կենտրոնական հրապարակ





7. Գյումրու կենտրոնական հրադարակ. քաղաքապետարանի շենքը եւ Վարդանանց արձանախումբը

8. Ճարտարապետական հարդարանքի մնուշ

